

長汀縣誌

第三册

文苑傳	列傳	祠祀志	交通志
義行傳	儒林傳	藝文志	惠政志

长汀县志卷十九

交通志

旧铺塘驿 水路 公路
邮政 电报 电话

丘 复原纂
廖荻甫增纂

邑为旧府治所。而交通阻阂。视七县弥甚。盖汀贡二水皆发源邑山。汀水由县治南行七百四十里。达潮入海。贡水即汉书湖汉水。明史载。发源邑新乐山。西行千九百八十里入江。邑已为二大水发源所。则地势高峻。山路崎岖。交通之不便。固不待言。以上丘复纂。夫交通之要。运输则有舟车。传命则有邮传。迩来邑中对于公路邮电次第建设。成效显著。苟因是以灌输文化。振兴实业。收效当更宏伟也。兹分为甲乙丙丁戊五类。叙述如后。

(甲) 旧铺塘驿。宋以军士递文檄。谓之铺兵。仿佛周庐秦亭〔注〕之制。绍兴间。立摆铺法。元则有十里十五里二十里之异。铺兵皆五人。明制十里为铺。亦铺兵五人。专用传檄。清康熙八年。兼设摆塘。建兵房数间。望楼一座。烟墩三座。塘兵五名。以时会哨。官府客商经过。鸣梆护送。用以守隘诘奸。文职申移发铺。武职照会发塘。铺递迟而塘汛较速。以步递马递之异也。旧志有驿。传一门。载驿凡三。曰临汀。上至馆前驿七十里。下至三州驿六十里。肩夫八名。每名工食七两二钱。匀闰〔注〕银二钱四分。共银五十九两五钱二分。防夫二名。走递夫一名。每名工食六两。匀闰银二钱。共银一十八两六钱。曰馆前。上至宁化辖之石牛驿六十里。曰三洲。下至上杭辖之蓝屋驿六十里。二驿夫。役工食银两与临汀同。皆设有驿丞。又附有铺递。其在正东路者。自邑城十里至百步铺。又十里至南田铺。又十里至新桥铺。又十里至鸳鸯铺。又十里至青草铺。又十里至太息岭铺。又十里至湖坑铺。又十里至归仁铺。又十里至七良铺。与宁化燕子铺交界。凡八个十里。其在东南路者。自邑城二十里至湖口铺。又十五里至至罗坑。又十五里至龟岭铺。又十五里至宋坊铺。又十五里至鸭妈铺。又十里至鸡心铺。又十里至虎忙岭铺。与连城长坑铺交界。凡九十五里。其在西路者。自邑城十五里至林禾铺。又十里至九里岭铺。又十里至竹子逐铺。又十里至古城铺。又十三里至隘岭铺。与江西永镇营交界。凡五十八里。其在南路者。自邑城十里至画眉铺。又十里至黄馆铺。又十里至南段铺。又十里至河田铺。又十里至大潭。又十里三洲。又十里至车田铺。又十里至水口铺。又十里至至靖远铺。又十里至长桥铺。又十里至畚心铺。又十里至张屋铺。与上杭迴龙塘交界。凡一百三十里。其在北路者。自邑城十里至萝卜坪铺。又十里至和尚坪铺。又十里至登山桥铺。又十里至蕉竹岭铺。与江西永

镇管交界。凡四十里。注：（勾围—附加。）（周庐—周代设兵值夜的地方。）（秦亭—秦代驿亭。）旧志铺递。

（乙）水路。邑中赴省（福州）之路。取道闽江。必先陆行经清流。明溪。将乐。或由宁化。明溪。而至将乐。始行登舟。避九龙之险。又或由连城而至永安之小陶登舟。若西出长江。则必陆行八十里至瑞金登舟。其交通稍便者。唯南行取道汕海耳。自邑城而上三十里。有市曰新桥。为宁化入汀孔道。舟小无篷。不足蔽风雨。载重不满二千斤。至邑城换舟乃稍大。直达永定辖之峰市。计程三百六十里。行邑境仅一百六十里。在龙口与上杭分界。然其间。店下至白头砵下十里。又阑入（流经）武平辖境。舟之载重可五千斤以上。水涨二日平可达峰市。若遇水乾。则河田三洲沙浅滞舟。转棹不便。载重不过三千斤。上水尤难。日行不过二十里。其支流可通舟者有二。一濯田溪。一南山坝溪。濯田溪上驶至成上里平铺。安仁等处。下至濯田。凡三十里。水乃稍大。又二十里。出宣成里。水口铺之西。与大溪合。南山坝溪。西行二十里而出黄峰桥。与大溪合。此舟行之大较也。丘复纂

（丙）公路。邑中山多原少。车不方轨。民国十三年。驻军师长李凤翔。倡设长汀公路局。以萧树棠为局长。省道附加粮捐为经费。仅修城内中山路。城外中正路而止。十七年秋。省防军旅长郭凤鸣。设汀州公路局。举郑碧山为局长。微收盐商溢利以充经费。实行兵工筑路。先开汀古路线。於十一月一日兴工。仅二月余。以凤鸣阵亡而罢。迄二十三年夏。国军指挥李延年。由连城推进。规复长汀。亦令兵工筑路。随进随筑。遂将朋汀汀瑞二路。次第完成。但汀连交界之松毛岭一带。山径险仄。坡度太大。一遇淫雨。每遭陨覆。嗣经几度修改。始较安稳。今县中公路。咸以城外营背为总站。

（一）中山路。由中山桥头起。贯通城内。而抵大西门。计程一〇四七公尺。路面。府前街较宽。十字街太狭。又由白马庙前分一支直上横岗岭。西沿龙山南麓。复南行经忠烈祠。仍与中山路通。

（二）中正路。由城外太平桥头起。迂迴至中山桥头。计长五四六公尺。路面太狭。汽车往来极感不便。

（三）朋汀路。由连城之朋口起。经文坊而入县境。越松毛岭。复经南山坝至河田。上达营背汽车站。在县境内。长凡四九·七〇〇公里。

(四) 汀瑞路。由菅背汽车站起。过延年桥。中山桥。中山路。出西门经古城隘岭出县境。至瑞金。在县境二九·〇〇〇公里。

(五) 汀宁路。由汽车站起。经金沙井东校场。上十里铺。新桥。馆前。恩坊。而达宁化。在县境三三·五七〇公里。尚未筑竣。

(六) 新峰路。由连城至新泉入县境。西行经南阳出县境。经上杭而抵永定辖之峰市。在县境一五·八一公里。

(七) 连宁路。由连城入县境。经驴子岭、双井、雾阁出县境。过清流而达宁化。在县境内七·七七五公里。

(八) 河水路。由河田经三洲至水口。

(九) 策黄路。由策田至黄馆。与汀龙路相接。长五·〇〇〇公里。为里人黄月波、黄懋才等徵集壮丁所开筑。

(丁) 邮政。长邑之办邮政。始於前清光绪三十一年二月。时设二十三年冬恢复。今为二等甲级局。並於古城、新桥、童坊、馆前、河田、濯田、水口七处设有代办所。太平桥、南山坝、钟屋村、三洲、四都、五处设有信柜。其递期分二种。古城、新新、童坊、馆前、河田、太平桥、南山坝、钟屋村等处。均逐日递达。余为间日。

(戊) 电报电话。民国四年一月设电报局於城内。二十年秋停。二十三年冬恢复。其进局电线凡二。东线接连城。以达龙岩、漳、厦、永安、沙县、南平及省垣。西线接瑞金。以达赣、湘、粤、桂等省。二十四年一月复设电话所於县政府。对于本县各机关区署乡镇及连城瑞金等处。靡不消息灵通。此外尚有长途电话收音机及无线电等。则二十五年后所创办也。

长汀县志卷二十

惠政志 仓储。义冢。善堂。茶亭。桥渡。

仓储

均济仓 在开元寺东庑下。郡守李华所创。华知汀人素无储积。为荒耗之备。乃捐现钱六千缗。为余本。得米五千余石。以均济贫。

王凤林原
袁联芳增 纂

民。后郡守胡太初。又拨赋绝田八百顷以助之。每于夏秋之交。计口给发。自四月及七月。每七日一粟。官需既捐。市价自平。今距宋末已四百年。址犹存。

举子仓 宋绍兴五年。以延建郡汀四州细民生子多不举不育成人。因令州县名置举子仓。遇民户生产给米一石。后仓虽废。基址犹存。

常平仓 汉耿寿昌请令边郡筑仓。以谷贱时。则增价而籴。以利农。谷贵时。则减价而粜。以利民。名曰常平仓。隋唐稍有变更。皆取法于此。明制各设预备仓。又有济荒之本有蠲免税粮之令。有先发仓廩后奏闻之令。清专贮捐监谷。以备平糶赈之用。历年官民捐积谷以备赈者亦附焉。仓廩皆动项建造核实报销。不累及里甲。法良意义。乾隆十四年。复就各处情形。酌定额存谷数。每年减价平糶。如系溢额之谷。将价银解司。加系额内之谷。秋收买补。或以续收监谷补额。长汀最为充裕。明府属岁额积谷六千七百石。春夏积银一百二十两。解充辽餉。秋冬积谷存留备赈。扣三分。解充辽餉银三十六两七分。实存备赈谷二百八十石。续加积备赈谷一百五十石。乾隆十四年八月。议准额贮存一万四千一百三十七石二斗四升。仓在射圃内。旧有东西南北四仓。在三州馆前等处。今俱废。

社仓 府属谷一万六千二百二十五石三斗六升二合七勺九抄六撮八圭四粟。长邑谷四千二百二十二石八斗四升一合。○宋朱子建立社仓。使贫民岁以中夏受粟於仓。冬则加什一以偿。岁少不收。则弛其息之半。大侵则尽弛之。期以数年。子什其母则惠足以广。而息遂捐以予民。行之数年。人以为便。○清康熙五十三年。奉满大中丞檄。每乡立社长社副。雍正二年。屡颁条令。乾隆十四年。始定前额。听社长副自行经理。以时出纳。有司取给而已。○旧志。嘉靖十九年。巡道侯廷训檄各邑。建富沙李默记云。笔山侯公之飭兵漳南。未数月即修保五之法。于是得胜。兵数万人守望联络。足备非常。而部内三衣悉仰山田。早潦辄皆受病。乃复思所以振业之者。得常平社仓法焉。夫古者之民。耕有余积。人自为备。后世利孔下移。荒政渐起。乃有计臣谋士。调盈虚之数。制轻重之权。使国宝不散于勤岁。饥人护救于凶年。夷吾李惺率出是道至汉宣始有常平之名。齐隋之间。复立义社。盖常平官给余本。社仓则课取于民。二仓之制。代有损益。然未有台而为一。如侯公所立者也。以予观之。置举有五善焉。初公下令曰。岁听此价敛。亦以此价散。均是价也。敛于稔秋。已同增值。散饥夏。即为减。估余本不耗而市价常平。斯得魏人饥熟三等之意也。公又令曰。举余听掌于富室监正。察之敛散。必于货社主者。司之买户。无越一舍保长喻之。盖应古乡里门闾各有委积之义。二也。委官总其要。县受其成。台督其慢。出纳不制于有司。泉货不患其折阅蚀本三也。准宋之常平。则无责息之弊。方隋之义社。即无科率之嫌。视今之豫备。又免春帐秋还之扰。四也。蓄价不得以游市。拙业咸足以相通。积贮既富。人情自安。食谷之民。便成师众。弹压奸宄五也。备斯五者。谓之善法。虽达诸天下施诸百世可也。独漳南乎哉。曩时。公谪判泗洲丞曲邑。当一再行之。既而贻书问默于京师。默报之曰。子方得罪于时。又居人下。宜勉修形迹。善自晦藏。法可不可。子姑置之。会予亦有宣州之役。属时荐饥求为黔首请命而不可得。乃知侯公终不以俗情伤泽物之志。而愧予言之陋也。今公持节按汀漳专制数千里。其得行与否。视州邑不啻倍蓰。位高而德博。形顺而势益。便行见公柄掌权用于朝。为国平准。庶几推之天下。以挨百世。然后快于公之心。独漳南乎哉。或疑公宪臣也。举玺书察郡洁戒兵尔矣。此固其急与然。宋之常平义仓。悉领于提典刑狱。转运司顾不得如此。可以知事守矣。人臣经营四方。苟

有利于国家。虽奉使视灾。矫诏开仓。古人犹且为之。况于宪臣无所不常问哉。公语人曰。吾法朱子法也。嗟乎。朱子之法古法也。当是时国
寔民贫。崇安社米亦稍取。照甯散政。润色为之。今並無是矣。公遇翔郡邑所至为民兴利。其所建立往往过人。意必有纯白之心。与晦翁异世
同符。古法即公法也。又社会议曰。衣食足而后礼义兴。仓廩实而后根本固。有备自能无患。先事可以图功。古者家有盖藏。而周礼遗人之
职。尚有县郡之委积。以待凶荒。闾胥比党之职。更有辨其施舍保守和亲之事。所以为小民计者至详且豫。追汉设常平。隋与唐立义仓。至宋紫
阳朱子独行社仓。二分出息。民皆乐从。至一切敛发收藏悉主乡社中。耆老吏胥不得遇而问焉。行之至久。收效最多。今闽省山多土瘠。水
旱不时。一遇歉收。仰屋无策。本部院为尔等再三踌躇。博采群议。莫若举行社仓。庶几耕三涂一。耕九馀三。藏富于民之意。在郡县非无
平积贮之谷。然所恃以平糶余备赈恤者。窃恐济城市数万数十万之人。人犹苦不足。则乡僻壤之地。势难遍收。若社仓行一乡有一乡之积。遇
青黄不按时。可以借本待价。遇荒歉饥谨时。无难领回自救。平日输仅细铢。临事用同山阜。累少成多。众擎易举。良不诬也。况尔等食
贫之家。不能不向富室称贷。往往秋禾在野。已属大户仓庾。社仓借本倍息甚微。较之称贷富室。不已薄乎。社仓之行。其利难以悉数。尔民
仔细通盘打算。为人己。何惮不行。若兴利之初。仍仿长令减从。亲履各乡。详为开导。总期行之以实。不以文要之。于久不于暂。在尔
等俯仰无恨之秋。即本部院与长令乐与观成之日也。○凡大乡等各设社仓一所。其乡小户寡者。宜约附近数乡共立社仓一所。若大姓数百户数
千户合族要另立一仓者。更应嘉许。或租祠庙。○租空房。每年或给谷代租。或即作房主捐谷登簿亦可。其收贮必慎。封锁必固。火烛必
防。社长副宜公同酌量。每日轮人看守。○凡本乡所有田亩若干。约定于秋收时以十分之年为大熟。每亩出谷一升。主七合。佃三合。九分八
分之年为中熟。每亩出谷七合。主五合。佃二合。七分六分之年为小熟。每亩出谷四合。主三合。佃一合。如数交仓登记明白。其以园池山
地工商为业。及担负人等。情愿出谷者。更见乐于从善。若乡中有绅衿大姓。饶裕好义之家。尤宜首先倡率。不拘升斗担石。多多益善。能
减一朝浮费。即可备数人口食。况一粟一粒官吏并不干涉。储于乡者。还为一乡所用。无市义之名。有乐善之实。何弗勉而行之。至司道
府县。身在地方。关切民瘼。各宜量力捐助。本部院亦必竭力匀捐。一期共济。若民户中有田有力而吝吝不输者。原不必强之出谷。但遇荒
岁。不许借赈颗粒。以为私已背公之戒。

永惠仓 清建。在射圃内。共计三间。贮捐谷以备凶荒。

绩贮仓 康熙二十五年。准户部咨题。以闽省民人繁庶。山多田少。非广多积贮。无济于事。除台湾府属。现存谷六十餘万石

外。内地八府一州。分别地方大小。共分贮谷二百万石。以备急需。但闽省限于山海。转运甚难。非他省舟车利便可比。愿照甘肃事例。捐
纳十八条等因。汀州府应分谷二十万石。长汀县应分谷一万石。

万安仓 府署后。道光二十八年。清军厅觉罗克保创建。共计十
一廩。积谷一万余石。以上据旧志公署。

丰备仓 在横冈岭。郡守剑国光有记云。○城有义仓曰丰备。民仓也。溯自同治壬戌。

胡弄林少宰守汀时。冠氛甫靖。有十三坊。五坊。盐息。募勇余银六百两存府。人莫之知。公悉出付坊绅。命卖谷储仓。以备荒歉。其明
年。公任汀漳龙道。函囑朱前府谕坊绅月支盐息一期。陆续卖谷益之。顾其时仓无定所。惟分设龙神庙。题名第诸处。岁在癸酉。前任延
古香前辈。乃购得今仓地。即于右畔造为六廩。尽移诸仓谷实其中。丁丑冬。余来守是邦。详察民瘼。念备荒之宜豫。善美举之有基。时命

駕而往觀之。見六廠已將儲滿。而左畔空地。仍為瓦砾之場。乃諭紳董鄭汝弼、廖桂辛暫停買谷。即以其銀添造大廠七小廠三。並諭勸鬼神廟題名第等處旧仓木料湊用。鳩工庀材。責成二子。一切規則則予時与妥籌焉。去浮土恐虛陷也。多石砌期堅固也。棟作二層使通風也。牆周三面。為防雨也。桁条緊密欲无撓折之虞也。檐瓦迴环俾免漂搖之患也。至于置栏杆以供坐憩。开水道以除壅滯。平谷坪以便暴晒。頗覺周至。大廠則号以福各樣厚寿永長。小廠則号以大有庆誠。冀自今始。岁其有庶。福祿遍及我民。永登仁寿之域也。是役也。自仲春以迄孟夏。合閭凡四閱月而成。規模視右廠有加。六月又于后开荒基。中造一厅。左竹牆以配。右俾两旁倉廠有所归束。总计先后土木工二千有奇。用銀五百六十余兩。盖不惜多費。以為久計耳。前賢有知。庶其計为同志也。夫工既竣。○叙其鎮末以配之○延守并议定义仓条规划石。民国七年以来。迭遭兵燹辄有耗蚀。至十六年秋。共军过境。仓谷罄舉殆尽。计存现谷三十六石。又县署拨来抵款粮票三千元。自后买谷貯仓。全賴每月盐息一期而已。(以上凤林稿。)十九作以后。共党入汀。盐息无着。仓亦被人拆毀。变成白地。现国立厦门大学借作球场。当经县财务委员会会同查勘。议定俟地方需用时。即无条件交还。

汀城社仓

在旧汀镇署后。创始于清光绪二十九年。

缘是年油行行头油肆之长物故(死)。邑人谢松岩谢松涛康咏倡议复充。除行内开消外。所有贏餘。悉数提充社仓积谷。一切章程编载总簿式本。一存长邑公局。一存值年董理。积谷虽等常平。而性质则为在城居民而设。(以上丘开先稿)然仓廠犹未创建也。迨民国元年冬。董理吴良选彭坤乃督工建筑。内有仓廠二座。一座四廠。○三廠。又仓丁室一所。十九年共党入汀。积谷无遗。现改为长汀县县仓。

盈厅仓

在旧府署左畔。旧志图载详明。今尚存旧宇餘基。改归中山公园建立中山台。根据采访册。有备仓 民国二年。邑绅

康咏吴懋琦等邀集地方士绅。计一百二十余家。每人缴银三十元。积谷备荒。亦有捐田亩者。当工推经理董其事。三年一换。递年积谷推陈入新。民国十九年。康绍麟权临时县篆。将诸谷及款书提公用。供驻军给养所进费仅不动产田亩而已。二十三年。复积有贖田价银及出谷款項。计有国币一千二百一十六元。另不动产典业田数十亩。均于民国二十八年。经县政府提充县立初级中学常年经费之用。其仓址原附设丰备仓后进右片。今废。根据采访册。大田湖乡义仓 创立于清同治四年。 吴曹生公义仓 民国无元年。 吴勋、吴抡

元、吴钦等倡设。遇岁歉开仓平糴

长校义仓

一在长校。一在黄屋圩。皆该乡众建。第貯谷不多。

吴家坊义仓

一为

吴郭隆所创设。一为吴东溪所创设。每年夏至前五日减价平糴。以利贫民。

濯田恒丰仓

为该乡太原堂王氏一族所设立。清光绪

庚子后。水旱频仍。粮食日昂。贫民借贷维艰。辛丑王永梅慨捐谷数十石。以为众倡。略仿朱子社仓之法。春借秋还。薄取其息。积谷渐多。创建仓屋一所。在下庙侧旁。民国五年大饥。无可告贷。该族独无缺食之虞。以上均凤林稿。蔡坊义仓 清同治十年。蔡

天开等八人倡捐。积谷二百石。用资赈贷。里人刘海珊有序。

义 冢

一在东郊坑

崇禎年间邑分薛应聘竖尸孝碑。

一在罗汉岭

一在府背山。一在朝斗岩名普同塔。

司李

(注) 徐开远捐地。学士徐元文有记云。老有所终。季春掩骼。王者之政也。浮屠氏普同塔。其亦犹存王政之意欤。余先伯父亦松公。司李

汀郡。哀遺骸之暴露。发意经始。俾僧顺闻合请有志者。建普同塔于朝斗岩之东。凡三塔。中藏邑人之无归者。左僧。右尼。为大厦三楹覆之。自是郡无暴露。盛哉。先伯父此举也。余过汀郡。以为是先伯父遗迹。乃往观之。顺闻告余曰。比塔之作凡以惠汀人也。然人各有心。有建之者。安知不有毁之者乎。垂久之计是可虑也。余曰不然。汀之君子。服先王之教。其于掩骼埋骸之政。闻之必熟。将永保之不暇。而谁其毁之。若小人无知。则毁骨塔者。比于毁棺之律。出于礼。则入于律。吾有以知此塔之永也。因书之石。注：（司李一掌狱讼官）

一在东郊 乾隆二十五年。郡倅汪献琛建万人塔。收藏枯骨。塔旁建枢寮。收无主尸。辛巳。方伯杨廷梓为邑令时。请人棺租四十二石零。为每岁塔中掩埋之用。按此项官租。久不存在。

一在木鱼山郡守曾曰瑛捐地。

一在治南郡守冯协一捐地。

一在罗汉寺郡守沈伟业捐地。

一在龙陂哩郡丞

江芭捐地。

一在东教场后。道场坑山一片。计阔二十四丈余。总兵官陈有功捐地。按东西二郊。经邑处士梁文开。收埋遗骨甚伙。

一在南路。戒愿寺背。阔三十余丈。知县张

文伟捐地。

一在北路。全所窑下截。阔二十丈。邑绅黎文远捐地。

一在北路。全所窑上截。阔二十余丈。

又下截岗上坪。阔三十余丈。邑人钟文魁捐地。

一在东路。道场坑。阔二十余丈。邑庠生许锦捐地。

一在

南禅寺前。徐屋坑。阔二十丈。又西峰背断龙坑。阔三十丈郡庠赖守正捐地。

一在七里亭。

一丙戌大水。男妇溺毙以百计。钟嘉佑捐金掩埋。荒冢相望十里。邑人於清明日操舟沿堤投楮祭之。按此祭久不举行。亦不知当日掩尸之处在何地矣。

一乾隆四十七年。邑令陈朝义。收各郊暴露棺罐枯骨。捐俸掩埋。悉作文

以祭之。仍置钱十千文。交商生息。以为春秋二季祭需。有祭万人塔文云。呜呼。先王之治天下也。既为之衣食屋宇以养生。复为之祭祀棺槨以送死。故政顺时和。而民长恩爱无相失也。于捧檄来兹。废坠时举。清明后二日。诣法源寺。行耕籍礼。环顾寺左

有万人塔。盖前厅新建。掩骼所也。日久塔盈废。棺罐置于左右。风雨飘摇。骨暴沙砾。复见西南郊。东岳宫。枯骸暴露。累累相望。呜呼。造物劳以生。而逸以死。至死而犹未得其所。良可悯耳。岂夙孽未尽。罹此厄坎。抑在此土者视同秦越。泽未下逮坎。荷父母斯民之任。

则隶吾籍者皆吾赤子也。忍其白骨飘零。游魂凄怆。嘯烈风。眠积雪。磷磷鬼火。啾啾於天阴月白时耶。爱捐清俸。购棺罐。于万人之塔左。择吉拓地。悉为瘞埋。封树燎垣。永安泉壤。呜呼。尔之生也。为工为贾。为男女老幼。吾不得而知矣。为溺死刑死排墙死盗贼毒蛇。

猛兽死。五日不汗死。七日不谷死。吾亦不得而知矣。独是人生谁无父母。谁无孙子。而骨肉抛残。宁不一坏蒿里。委于荒烟蔓草间。岂以生非土著。其存其没。家莫闻知。如无定河边之骨。犹是故园梦里人乎。尔有姓氏里居者。仍记之以待尔属之来。否则即安此土。慎毋为厉。农坛在右。可附而食也。法源在前。可依而庇也。暮鼓晨钟。可觉而忏悔也。呜呼。无贵无贱。同兹首邱。清明寒食。麦饭焉求。咽霜

饮露。道路为愁。念自古英雄。亦多如此。何独于而等枯骨。而为之殷忧。后之人与我同志。尔可依此精魂。而保此松楸。厥豆惟五。致爵乃三。尔其有知。尔其饱享。按此项祭需。久已无存。

一嘉庆庚辰年。城乡瘟疫。邑人陈兆熊多为施棺殉葬。

一义寮。一在东岳官前。一在罗汉寺右。

邑人

陈泉筑。一在西关外。七里桥右片。七姑坑山一面。计四十余丈。即麻生范韶永捐。○以上均见旧志冢墓。

一在斗母阁后。民国十年。恩贡戴荣康创建同善社。每逢月。施济药茶。腊月施炭米。凡贫民死而无葬者。备有棺木以殓殮之。邱开先稿。

一培田北郊山上。每年七月十五。吴永昌社。吴悠远社。俱致祭颂酢。一濯田东郊。荒冢累累。立夏中元。乡人以麦饭牲醴享焉。以上凤林稿。

一乐善堂千人坟。在东校场斗笠石下。收埋殓骸一千六百余罐。民国二十四年。邑绅李惕生戴铨卿等捐资建筑。

乐善堂义冢。一在丰桥头。盘龙窝口。因开公路后。有在该处挖泥者。屡挖屡崩。坍塌金骸十余罐。血枢一具。有碍卫生。故邑绅

等于建筑千人坟外。筑是冢以殓之。一是在石门社下。民国二十九年六月。将龙山之阳。所埋陆军第九师等官兵尸骸七十具。移葬其中。

万众堂。在黄田背桐子坑。山上收埋暴骸及扩大飞机场公路之无主骸骨甚多。山场由戴铨卿、彭耀坤于民国三十年夏月捐置。坟则邀集地方绅耆共筑。

河田五里岗义冢。民国二十三年秋。国军抵汀城后。第二区区长魏铭绶。邀邑人李惕生、李仲玉。倡捐筑造。收检河田左右乡战死将士。暴露骸骨数百具安葬之。以上据采访册。

善堂

养济院。在治西罗汉寺左畔。旧在镇南门壕边。崇祯四年徙今所。以老弱废疾及鰥寡孤独。不能自存者。八年。署府按察照磨杨卓然修。十年。推官唐锡蕃重修康熙已卯年。郡守王廷抡重修。光緒四年秋。知府刘国光率长汀县谢昌霖添建房屋二十八间。岁给月粮银二百两。夏冬衣布银四十九两。由府库支销。定额孤贫一百二十名。

普济堂。在东校场上片。王屋楼下雍正二年。奉文设立。圯塌多年。光緒五年夏。知府刘国光率长汀县谢昌霖重建。额征租谷三百三十石二斗一升五合。计养孤贫六十名。俱按四季年节由府发给。以上均据旧志公署及恤政。

按养济院。普济堂。屋子虽已秃毁。县署每年四季。尚有孤贫口粮发给。其经费。一由县政府於慈善社项下每月报销六十七元。一由前郡守李。提存殷商共银二千四百两。其息金并为孤贫口粮之项。十七年五月间。秦县长光前。提借银二千余两。尚未抵还。各公团拟与之交涉。将此款并为新拟设立之救济院经费云。凤林稿。

育婴堂。在府城东北隅。乾隆九年。郡守俞敦仁建。半使吴华孙为记曰。育婴堂其设已久。载在著令。以待郡县民贫不能自子者。官为养之。不问男女。汀州旧格放于独不能具。乾隆八年冀宁观察。今太守海宁俞公。下车之始。请饬汀属盐例银二千两。以建育婴堂。抚

完周公正聞。制曰可。某月日堂成。官在汀始无不备之政。与诸郡县同法如著令。明年正月。予试士至汀。公属为记。予谓古者善长鹿麋。禽翼鸛卵。鱼禁鰈鰓。虫舍蜚蠊。以及山泽撻伐。忌于天藥。其敬物之始。而欲阜大之以成民用。如此矧含知负义制材万物中。于天地之资。忍弃父母以无知。横残死清整。以贼王者太和之理哉。传曰。式负版者。周官司民登数王拜受之。其年则自此以上非薄其下而不可。诚廉廉乎乐成人之忧思。无所不至。以图长之。父母之心也。我国家休养生民百余年。郡县吏岁时审丁户口日增。然犹设堂廉孤慎其不辜。殄瘁天阨。盖推不忍一夫失所之心及于童稚。古帝王辅相天地之政也。传曰。尧舜在上。而民仁寿此之谓矣。俞公为汀。独能先意迎养太和。仰体圣朝勤民之意。兴废举坠。予于是欢民生是时者之幸。而俞公亦可谓古之遗爱者矣。书此置堂间。所以宣上恩德。劝为吏者。而又使后之人。知太守俞公之能成其善政者。由于廉以洁。已而推其惠心。以及于物也。是为记。十四年。郡守曾曰瑛修。道光廿年郡守李嘉祥修。○（旧志公署）按旧志所载。该堂款项及办法。今多失考。只照近年育婴堂董事等所报。现储存各商号共有银八百余两。年息。又每月向盐公司支盐款银一百二十一两零三分。每年收租米二十八石二斗六升七合。原每石折六八兑边三元。后米价日昂。每石叠增为毫洋五元。以下款。由董事收存为该堂雇乳妇一切消用。光緒二十四年。因积弊太深。张太守星炳喻举人黄冕南董其事。竭立整理。原设董理一。书记一。听役水夫伙夫各一。老妇二口。住堂乳妇十口。堂外乳妇无定额。除正带前三十口。后三十口外。其余为副带。以次挨升。董理一席。历由城民公举。因原日经费系由城市市盐斤加价抽收捐足。自白叶岭以下。各乡买盐比城较便宜。无庸在城购买。故无此种权利。民国十年育婴堂改选。乡绅争执不辍。董理始归县府选委。经费一项。按月盐公司解缴银一百二十一两零三分。其余款项。经年不下二十余两。收支数目每届下浣送院核阅。倘有不敷。年终以师福田租米二十余石弥补。后因物价腾贵。开支不给。裁撤住堂乳妇五口。老妇一口。二十六年六月。红军入汀。盐公司经费未缴。董理无法维持。九月间停办。嗣堂亦倒塌。二十五年修建为救济院。三十年十月开办。先成立养老所及掩埋队。由县政府聘卢泽霖为院长。戴铨卿廖日章为副院长。赖警臣为养老所主任。其经费以收赎公田二百余担及赎田余款二千五百元。（募捐）为基金。特设基金保管委员会。由县政府聘请游子光谢雪堂等为委员。负责保管。○据采访册。

公医局创始于清光绪年间。原名官医局。知县江若梁。提濯田木纲项下善举银。充该局经费。并由文武官署津贴之。每逢暑天。局中备药茶。以济行人。渐后废局。设中医生一。属丁一。每月向县署领薪水银八两四钱。其局初设于龙神庙。后徙于右营守备署。已停办。凤林稿。拯婴局设内宣河里义和墟。同治壬申年。郑玉成父子。吴泰均、黄拔群、黄发林、黄振鸿、各捐田产共建。○一设古贵里古城上街。五通庙左片。民国时。又创设养生所。于上街老河桥左片。见旧志疆域后。

茶 亭

百可亭郡南三十五里。大岭峰。乾隆间。策田黄志高独力捐造。并置产施茶。有记。欣然亭伯公岭。距城五十里。道光间。傅松成建造。捐租十余担。俾住持者烧茶。

罗源岭亭在平原里茶溪乡。陈体中嗣裔邦彦倡建。并置田产业施茶。

阳和隘亭在平原里。里中各甲信士。捐资建造。并捐田租给守隘工食。黄郁荣置田施茶。佛子岭亭在平原里。康熙间曹奋龙建造。施茶。

松风亭在平原里黄麻坳。节妇罗肤千母捐资建造。

亦乐亭在水头乡。赖恭亭建造。施茶并撰有记。

快意亭在宣河里横

冈头。曹元抡建造。并置租米八石。为住持烧茶费。行人便之。

菊坑茶亭在宣河里。谢恺建造。施茶。行人德之。

崔巍平坳

路亭在宣河里。罗世永倡。首捐修。

半岭亭在驴子岭下。先是深山岑寂。贼易潜踪。李思棠创亭斃路。捐田施茶。

贼始四散。商旅赖之。其子李耀克继父志。类多义举。

甘泉亭在河田五通岭。

以上均见旧志疆域后。

惠风亭在平原里。

南阳冷铺隘。长抗孔遇。黄锡声倡建。并捐田施茶。

英造亭在平原里。马羊洞口。长抗连孔道。民国二年。龚立德倡建。黄品兆捐田

施茶。

山安亭在平原里。南乡竹坑。长连孔道。清光绪八年。黄如锡倡建。并捐田施茶。

岭背亭在平原里南乡。长连孔道。

黄锦纹倡建。施茶。

丘坊亭在宣成里丘坊。民国十三年俞正甫建。

高岫亭有新旧二亭。距濯田五里许。通武平会昌要道。皆

王永梅出资独建。置田施茶。

甘饮亭在濯田大垄里。长武孔道。王珩光建。并置田施茶。

万安亭在古费里。乌石下上面。通

汀城要道。王自如建。并置田施茶。

翕然亭在古费里乌下下面。通城要道左拔寺。合乡人建筑。

可容亭在濯田河背。王可容建。

小闲亭在西山脚下。钟嘉会建。并捐田施茶。

小憩亭一在青泰里沙乾墩。民国十七年。策田黄必葵独力捐造。并置田产施

茶。有记○一在李湖对面。通江西孔道。王君秀建。其子可华在李湖桥头建茶亭一所。民国九年。钟离棠捐修。旋倾圯。邑人廖文华募资

修复。南山排亭王星海等建。施茶。距此里许。原有一亭。今倒塌。

并置有山场。田亩。施茶。有记。

媚辉亭在新畲湾。通江西孔道。民国十年。赖逢周建。

出云亭在高坊岭隘。吴化行等众建。施茶。并砌岭路十里。同治甲子。汀邵总镇关镇国过此。为之

记。三汇亭距吴家坊十里。长连孔道。三溪汇合。故名三汇。吴化行等众建。施茶。

作云亭距吴家坊十里。长连要道。民国

五年。吴震涛、吴拔桢兄弟倡建。施茶。

清泉亭在白叶岭枣树岗。林荫棠建。捐田三十四担。为施茶费。有记。

乐善亭在下江对岸。民国初年。下江左右等乡捐建。施茶。

九嶷石亭距城二十余里。长武孔道。

隘岭关上亭通瑞金要道。民国初。古城分公司钟离棠建。

安旅亭在古城兔子巖。光绪间。刘美政募建。

益行亭在古城坳下岭。民国初年丘作生建。

清露亭在古城观音铺。清时刘氏捐资建造。

歌泌亭在涂坊溪源洞口。北通江右。东达连永龙潭。为汀之要冲。创于明季。修于清之乾隆年间。俱小六郎裔出资。

花桥亭古时造。

半岭亭在古城九里岭。

万峰亭在古城猪寮湾。

玉山亭在古城朱子峰。

崇峰亭在古城狗子脑峰。有新老二亭。

仙入亭在虎忙峰麓。距玉屏亭下五里。

驻云亭在虎忙峰麓。距玉屏亭五里。

式好亭在头亭坊岭下。同治间吴汉均建造。

恭安亭在青岩里。乾隆庚辰。陈启恭建。

望耕亭在培田西郊。光绪间吴汉均建。

永昌亭在青岩里。光緒十年永昌社众

建。

望云亭在义和墟左。民国十六年吴凤年建。

悠远亭吴如露社友施茶。

永盛亭距吴家坊八里。光绪间吴继明建。并捐资。

风雨亭在古城岭坑。

利行亭在隘岭坑。彭龙光造。

耕乐亭在当坑。林荫棠造。有记。以上均凤林稿。

乐善亭在城南十里之白叶岭。民国七年。钟离燦建。今废圮。

养宜亭城东五里许。民国十年钟离燦建。

观音亭一在城东五里许。观音桥旁。民国二十八年改建。一在城北二里许。印石上片。亦名观音桥。民国十三年。恩贡戴荣康修建。

一在周仓排。通江西孔道。

同乐亭在城东。观音亭上片。

新安亭在城西五里许。众建。

接官亭在城北三里许。民国十

八恩贡戴荣康募资修复。并观音庙一所。

长安亭在天津桥东。有凉亭一座。废而复修者再。皆邑人吴嘉龄杨逢豫捐资造复。

万安亭距灌田二十里许之岭背。为第四区名胜。里人王监兹独建。并修亭之上下大路距里许。有小河横断。通长武要道。复建石桥一座。利便行入。

秀绿亭在长校村水口。民国庚申年。村民赖日祥出资建造。

云山亭在水源乡。通四都市成上峰。民国十

年。乡民赖逢禹及男恭臣出资创造。

石壁铺亭在治南七十里。义家庄附近。商旅往来。为闽粤交通要道。以精制黄痧疥疮药驰名。

之。陈于坤尝卜居于此。民国二十年后亭废。二十九年于坤子明善重修。

安行亭在汀北十里干砂岭傍。先是行道通经岭上。崎嶇遇

折。行人苦之。爰于民国三十年春月改道岭下。造桥四座。并建一亭名曰安行。费用由各界义助。发起者则刘奇书戴铨卿彭耀坤也。

永衡亭在白叶岭。三十年秋。策田黄永衡嗣裔建。

还乡亭在黄馆。策黄乡道。与龙汀公路交会处。策田里人黄懋才于三十年

秋建造。

白云亭在白叶岭。三十年四月众建。

新丰亭在王屋楼下公路中。

三十年秋众建。

桥 渡

太平桥在朝天门外攀桂坊。宋绍兴间。桥名有年。乾道间。郡守谢知几更造浮桥。扁曰太平彩虹桥。淳熙间。郡守赵不悛作輿梁而屋之。嘉定间。郡守邹非熊建。改今名。明成化间。知府徐璣修。毁。宏治元年。知府吴文度建。又毁。正德间。知府胥文相为石墩七架。屋三十间。自记其略曰。汀水发原于州北之正溪。至州境而东。与西溪合。纡回曲折。南汇于潮以入海。即所谓鄞江也。春夏间。霖雨弥旬。山溪发涨。下流壅塞。滞不能泄。辄停蓄为巨浸。轰烈险悍。势莫可御。凡行旅往来。及公使有事于兹者。缓急不得渡。盖汀以三版（小船）为舟。利于狭。当溪之涨也。篙无所着。遂震荡冲激而不可支。至冬水涸。仅数尺。大石错出。浅涩阻赜。舟又不胜。此守土所以设桥于永康坊之津也。又云。兹役也。择耆民之惻福（诚实）者十人职其事。琢石于新桥太息。采木于归阳青泰。召匠于邻郡永安。予既捐资。民之乐施亦众为石墩者七。架木为数。盖于巨梁面布以板构亭三十六间以覆之。桥长三十有九丈。阔二丈六尺。亭如其长之数。○邑进士郝凤升记。治东大溪。溪南北。氓皆溯流而居。宋绍兴间。郡守谢知几始作桥。扁之曰有年。而往来以通。厥后历宋至国朝。废兴历载。惟易其扁曰太平。今尚仍其故也。成化改元桥。再倾圮。逮宏治初。江东吴公宪之。以南台御史擢知府事躬蒞治焉。而民之由是桥者。

复而旧矣。甲子汀遭旱魃。耕民有夜秉火以往垦其血者。方适桥炎飙大作。火焰四起。由桥以至檐楹榱桷悉延毁焉。因循年久。墩石寝仆。所遗者基址而已。自是继守者或病于世故之齟齬。或困于势力之弗及。往往扼腕是桥而志弗克就也。正德己卯。巴陵胥公士衡。以地官正郎奉简命守汀。下车即询民利害。以兴革之。对者曰。汀之太平桥废。已二十年载。桥据东南上流。春则霖雨滂沱。波涛暴涨。俾众水所归。积为巨浸。冬则水落石出。岷嶽险仄。中亘以洲渚。滩峻溜急。乡人以三板为舟。不能悉渡。凡行旅公使与肩担者。甚至投杖后进。否则群不踴(失足)者。吾公视民之病若是。其能遂默然耶。公遽曰。此吾守者职也。吾无科敛罚赎与驱疲民以趋事。而复与之侷。则民无告病矣。吾新兹桥无敢慢焉。于是择耆民之廉且能有十人。以分理其事。校士人之执斫者绳尺多舛。乃之邻封永安。购其工之良者专委任焉。石产于邑之新桥等里。命斧斤凿之。其数盖以万计。取木于青泰诸山居多。采其合抱者千章。皆可以为梁。余皆栋为柱者。长短巨细。靡不足用。富而愿助者听贫者皆值之焉。募民钱。又得数千缗。有不足各捐俸神之。桥之下垒石为墩者七。墩之上架木为梁。梁之上布以板。两旁翼以栏楣。其长卅有九丈。广二丈六尺。覆之以屋。凡三十有二间。皆坚厚。可历久不隳。两涯则各建警铺。夜设守兵。以防火烛与盗之出没。自庚辰秋八月朔日。至辛巳夏四月辛卯迄工。公集其僚佐乡士大夫卫挥使。张宴以落成之。是日也。天开晶明。晴旭可爱。百姓远迹来观者。俱欢呼踊跃。于是众僚佐进曰。四境无金革之音。黔黎获丰稔之乐。故工不扰。事不烦。不逾期告成。此天相吾公以福其民也。庐旅愿酌酒为公寿毕。县君黄用直等。以予预觴游之末。谒予庐可言。将饯石纪其盛。予惟先王。疆理天下。物土之宜。而布其利。其细至于庐旅关舍川梁涂茨。莫不因时损益。而政教寓焉。公之桥不役民。出于公等之愿余。与民之好施者。故用虽巨。而閭閻晏然。若不知。非得先王政教之遗意而能是耶。公性凝定。而政专一。不轻举躁动。故事变之来。外虽汹汹。而公镇静自若。卒之事皆縻析。而民获以安。是能当大任以济大事。不徒桥梁一政可以尽公之底蕴也。同府贺公惟德通府陈公元辅邦器推府宋公文绵皆协恭赞画。而修饰润色。公实赖焉。大尹黄公用直丞萧公费薄张公鹤皆提调整饰。多所庇助。皆可嘉也已。予不佞。不能为朕词以献公。姑述桥之概以俟后之人庶知予言不妄也。○天启辛酉。邑令郭时鸣倡修尤壮丽。崇祯间。推官唐锡蕃倡。邑人黄宣、胡献凤等并力劝捐。庀材纠工。未一载而桥工告竣。清康熙甲戌。知府傅燮调议建石桥。工未毕。知府王廷抡助成之。有记曰。郡城东关登俊坊之太平桥。前太守灵寿傅公浣岚之所创造也。是桥东联省会。西达豫章南通东粤。贸迁有无者。往来假道焉。使深隍断岸桥梁不设则利济孔艰矣。按桥旧梁以木。康熙甲戌毁于火。涉者病之。汀释普琦者持重修簿进傅公。公元宽之析然曰。此固余之志也。然以木为梁。周礼王政。十一月十二月成之。皆一岁之暂计耳。若为千百年计。非石不能。慨捐俸百百为之倡。维时汀漳道岷亭罗公捐亦如之。郡丞胡君之鸿。邑宰长汀潘君世嘉。宁化郑君平。清流汤君传集。归化陈君用行。连城赵君景麟。上杭杨君岱。武平邹君懋官。永定吴君琪。前协镇何公天培。王公世臣。董公大用。暨镇标守戎中营高君永昌。署左营林君光显。右营徐君曦。各捐俸有差。以及闾郡绅士商民闻风乐助者。不可胜数。约所捐三千余。公特遴耆老俞胜宇。范实涵。雷楚升。康立如。张君耀等司其货财出入。召工伐石。筮吉肇基。由登俊坊抵攀桂坊。两涯相距计袤三十丈有奇。广丈有六尺。桥之下为主门者六。分水势也。上为石坊者二。题桥名也。规模巩固一以北方之制为准。自甲戌秋七月经始。至乙亥秋其未成者仅为山一簣。公去官而厥功遂停。延至庚辰。适余守汀之四载。目睹乱石横斜。竟成坠绪。后来者之谓何。乃为寻绪而完之。裁石为板。陶土为砖。既甃既砌。两翼其栏。左右尚有隙地。议复利涉亭尸祝胥(祭神者)。公于隙中余基间为四。瓦附屋之。授市人为廛。岁入租。供巴陵祭事。汀之民日由于荡平正直之路。

而货又不弃于地。距非汀郡一盛事乎哉。夏六月甲子工竣。缓笔为记。而有所感焉。嗟呼。余观斯桥而知天下事之难料也。方其梁木以济也。不料斯桥之毁于火。追僧之募修也。亦止求新以木。而不料斯桥之易以石。易木以石可永免回祿之患。不料斯桥未成。而鄞江东流水不由其下。即傅公经营一载。更不料其功将垂成而遽去。往古来今事之类于斯者。不知凡几。岂人之所能料哉。夫事有莫之为而力者在乎天。有所当为而力者在乎人。然则斯桥之肇造于前。续成于后。守斯土者亦各尽其事之所当为。至若废兴有数。听之将来。非余之明所能逆料。当是时。惟与斯民共祝太平万年。万年太平而已矣。○丙戌大水。知府方伸修葺。乾隆庚子年。桥面颓坏。贡生叶训独力重修。嘉庆五年大水。石墩坏泉资重修。道光癸卯。邑人许为崇捐资独修。周杞为之记。以后年代屡更。圭门剥蚀将倾。河堤复多崩颓。民国十六年。里人吴嵩年募捐修复桥南龙树庵。附设桥祠。桥北造复镇武楼。并建崇店五间侧旁一所。租金留备修桥费用。二十三年毁于乱。桥面无存。圭门未陷者仅几希间。二十四年。长汀县善后委员会倡修诸桥。干事戴铨卿彭耀坤等十二人经理其事。统计用金八千馀。一切捐助物料。人工数目。详见桥端勒碑。李惕生为之记。

济川桥 丽春门外。俗名水东桥。○宋郡守陈轩诗曰。十万人家溪两岸。绿杨烟锁济川桥。○庆元间郡守赵伯建。淳佑间郡守卢同父修。元末圯。明永乐间。知府宋忠。指挥韦镛重建。圯于水。邑人丘人福等募修。寻圯。成化八年。郡守李桓倡。邑人刘崇建。

又毁。十七年郡守王瑄。知县谢珪倡。义官胡文海等建。又嘉靖四年。郡守邵有道。以义官徐明、雷鸣督建。丙辰圯。已屢。康熙未邑令胡维新建。巡道王时槐记。万历间郡守史邦载兴工。郡守万振孙落成。崇祯八年圯。郡守唐世涵倡。邑人郑应龙等重修。至清康熙二十七年戊辰八月。盗火毁桥。邑人陈禹王等募承业桥店者捐金看修。四十五年丙戌五月一日大水。桥圯。寻又修。乾隆己卯复毁于火。设肆于桥上者鸠资重修。道光元年又毁。列肆俱烬陈兆熊等架复露桥。道光二十年。邑孝廉曾炳文等劝捐砌复石桥。监生张恒董其事。会计出入颇费心劳。于二十六年告竣。以修资桥面盖造篷店若干间。租息议作三股。以二股扩充乡会围费。一股备修桥店。每乡会年。更置董理。并将余息交贷归并围祠。民国二十三年冬。桥面被炸坏。二十四年戴铨卿等募捐修复。旋改名中山桥。

惠政桥

在税课司前。

五代时名曰建州桥。宋重建。更名惠民桥。郡守张昌又建。因名张公桥。嘉泰间。郡守赵彦楠垒石为四墩。淳佑间圯。邑令叶一新募建。明洪武间圯。永乐间知府宋忠。知县姚訥倡。邑人邱人福等建。扁以今名。嘉靖三年。知府邵有道修。万历甲午。知府万振孙倡。邑人黄玠等设簿劝捐。城乡涌跃。数月工竣。民不病涉。自明及清。屢有兴废。康熙己卯年。知府王廷抡倡。邑令潘世嘉典史杭伟修。有记。后圯。知府力伸建浮桥。又圯。辛卯年郡守冯协一总戎陈有功知县张文伟。七邑令营弁绅衿捐助。张衡应张五典、萧来鸾、邱镒、李文翰、谢魁殿等督修。有记。○汀郡乃七闽最高之地。其大水曰鄞江。一名正溪。源出甯化县李地。合东西南北四溪之水入惠政桥。南流至上杭达潮。以入于海。所谓汀水南流是也。上游诸郡邑之水。皆合剑津抵福州入海。而汀水独南流者。万山阻隔。惟南是趋。地势使然也。桥建于五代时。迄今八百余年。兴废不一。康熙丙戌。洪水毁圯。易以舟梁。未几复为水冲没。往来行李。厉揭为艰。余戊子夏莅郡。讨论兴除之事。而罢行之既革。里长供应並图差之驿驛。閭里稍稍休息。寮采士民复以惠政桥亟宜修建为言。余相度其地。此桥在济川桥之东。实为通途。每当春波秋潦。弥望无际。溪涧委注。奔腾冲激。非石梁不能撑拄。雇其所费不下千金。一时难集。遂与总戎陈公各先捐百金。已照郡丞江

公及八邑令尹。咸相倾助。继而各营游守诸公以至绅士里长各多募输金。费既稍集。于是庀材鸠旅。众役毕兴。坚植土基。厚填木石。两涯相距袤一十一丈三尺。广一丈六尺。水面高二丈二尺。傍倚石栏。桥下界为圭门三。以分水势。其一切经理出入。择耆民中之晓事而谨愿者董之。不涉官役之手。杜侵克也。经始于辛卯之秋。落成于壬辰之冬。计费一千四百余金。公捐者十之三四。余尽出余所割俸。资会其成。而余蒙上台荐调补台湾。行有日矣。夫春秋之法兴作必书时由举。非也。因陋就简亦非也。且道路桥梁。王政不废。道弗讥陈乘舆消邦。其所从来远矣。余不敏。赖群公绅士吏民之力。不至以举裸藉口。而坐视病涉。修此坠绪。自此河水如畴。河梁如砥。虽江星移动。明月离毕。而顺轨汤汤。无复蛟龙之患。文明愈盛。一劳永逸。余虽还去海外。庶几免于不知平政之讥也夫。乾隆己丑年。复圯。邑令徐铭视劝邑人建造。乾隆丙申年又圯。邑令田锡元议裁冗款重建。嘉庆五年圯于水。邑人许世赞等募建。以八年癸亥兴工。丙寅年告竣。部郎罗宸记其事。嘉庆二十五年毁于火。道光元年众资重建。道光二十二年王寅圯于水。许为崇公独力架复木桥。因溪底被冲石墩未固。后杨荣翰范逢如公等劝捐重修。二十七年。谢文亮、曹伯森、邱怀斌公等浚底磐石墩藉完固。后架木桥。面甃小石。及店四间。民国二十三年毁于乱。旋由李指挥延年以兵工规复。邑人德之。改名延年桥。二十四年被洪水冲颓。桥面无存。戴铨卿等募资重修。加高数尺许。免被水冲桥面。丰桥 县治东。鄞江大溪。康熙戊寅。郡守王廷抡浚复两河。溪水南流。不绕太平。因建桥于此。中立石墩。两岸高筑为堤。架木甃石。岸东立王公堤。建亭于山麓。扁曰题名处。勒浚复河工捐资姓名于四壁。丙戌大水。桥圯。知府冯协一。署府江芭重修。又圯。丙申郡守吴澍。知县张文伟捐资建石桥。阅两岁桥告竣。今合惠政太平为三石桥。庶岁哉永莫狂澜。无烦病涉矣。后为洪水冲圯。乾隆辛丑年。郡守景昌王右弼。邑令徐曰都陈朝羲议。裁冗款重修。有碑记。嘉庆十九年。邑人许世赞同侄许为崇修。道光后经邑人许为崇倡。众重修三次。后屡修屡圯。民国二十三年十月间毁以乱。行人病涉。二十四年戴铨卿募资修复。以前置有丰桥南津渡二桥。山坐落地名羊耳坑。白麻坑等五处。另湖塘二口。金沙桥 在左厢。登俊坊。傍有庵。俱久废。盛春桥 在攀桂坊。旧名攀桂桥。永乐间毁。郡守宋忠重建。复圯。嘉靖初。郡守邵有道重修。占紫桥 在城东十里。旧名卷虹。明成化间。郡守王理建。宏治初圯。嘉庆丙午。郡守汪倅重建。改名曰来东。有记。其略曰。汀水发源于龙门。扬澜于湘峡。衍迤于正溪。尤归于潮海。而汀之得名以此。距城而东可十里。为百步铺前。即溪流孔道。凡由甯清归连四邑而来于郡。以通于江广与汀上武永以达于省。抵于京师。无弗由其诸要津乎。然溪于平时可揭也。一经霖潦则水暴至。势若排山。操渡少。易覆溺相踵。时入亟寒虽稍涸。而驶且徒涉。病于裂肤。溪有桥曰卷虹。遗址在今桥之上。成化间。黄公建。圯于水。宏治戊申。前守交石吴公建。九年而复圯。盖旧址道狭而功省。涨则冲墩不可支。故易就而易颓也。余莅汀。遂倡议建之。明年秋。长汀令祝一鉴至。余授以意。因请于分巡兵备。龙南韩公。可其事。余乃暨令各捐俸为倡。而民之向义者翕然。子来欣然输委。爰命里之勤实者董之。南北岸垒石为堤。中垒石为墩。架巨木为梁。梁上为亭。工倍于旧。而坚美过之。经始于丙午冬。迄工于丁未孟秋。凡十阅月。而桥告成。余北还而落之。因扁其名曰来东。从其方也。后复圯。万历癸卯。邑令邱民贵重建。又圯。天启丁卯。署县通判

李愿中鼎建改今名。崇祯八年。复圯。邑令张宾选倡。邑人廖永澜等修之。后圯。清初总戎董大用重建。毁于火。其桥祠曰津梁俎豆。康熙间。郡守方伸建。小桥复圯。同知江芑。又建小桥。嗣后屡修屡圯。民国七年。里人张大桢等建。筑石墩七座。架以长桥。二十七年。被开马路包工拆卸。並废石墩二座。二十八年。桥梁管理委员会值理戴銓卿吴曜亭募捐重建。

下马桥。在金花坊。嘉靖初。郡守邵有道命彭廷凤督造。

观音桥。在城东五里。宏治六年。义官马绪建。嘉靖四年。郡守

邵有道建。以邑人丘让赖铭督工。现经众改建。砌石拱桥。

通京桥。跨东庄潭上。万历甲午。署推官吴申明建。甲辰水冲去。今桥

址上游为寇公堤。俱废。

石新桥。在归阳里。旧名新桥。宋郡守赵崇模建造。寻圯。明崇祯间。知县薛应聘建。扁曰江水上游。○

清康熙丙戌。知府方伸。立墩其中。架梁覆屋。扁曰古渡垂虹。有记曰。新桥当鄱河上流。度木组版。以通行旅。山涨悍怒。制木如拔楔然。辄不时圯。余初道其域。目营其状。惟石之可久。度河广三百六十尺有奇。桥如之两岸垒碇如断山中。醢九砥。锐首方趾。周径五丈。砥相距不及四十尺。高半之。其空足通舟楫。横约巨木。斲石街。左右引扶栏。上覆瓦楹。如是则桥圯且久矣。时温陵王公四长造镇兹士赞成之。余乃倡言于文武僚暨郡绅士。金曰。兹桥豫粤孔道。诚石之便遂。始事甲申秋九月。明年冬十月讫功。糜白金约二千两。工万计。落成。僧司马汉阳江公燕齐合乐张宴。士庶咸欢。爰请余记。余曰。政以举大。文以书庸。斯将奚取焉。显桥之来旧矣。其石也自今始。可题为石新桥。而並书。醵金及董役姓氏于碑。阴为将来增葺者劝。康熙丙戌春三月朗陵方伸记。

鸳鸯桥。在城东四十里。即鸳鸯铺前。

慈渡桥。象牙林。崇祯间。邑令薛应聘建。

严坊桥。县东归阳里。明化成

间圯。宏治九年。里人严麟修。

龙潭石桥。廖家坊。僧含辉倡。乡人建。范绍资记。○廖家坊。长连孔道也。一溪如带。独木为

杭。山水暴涨。桥辄波靡。当其圯也。多病蹇衰。春恍惛。其为民患也久矣。含辉和尚发慈悲心发大愿。力谋为石梁。作千百年不朽功。有让之者曰。巨室大家。居丰履厚。然且憚不敢为。以贫衲子独力是任。操约望奢。其虽也岂待问哉。含辉不顾也。集乡父老而谋之。时则有梁茂熊廖茂亮魏汝忠踊跃为之和。捐金若干。不足更自鬻己田若干亩以附。含辉东走连西入汀。募诸缙绅也当事之好善者。而往来行旅亦勤令输钱。共勸厥事。计含辉初募时。发黑色白衣履甚饰。追奔走道路数年。而发斑斑。而面萎黄。芒鞋破笠。无复曩日雅韵。噫。亦良难矣。夫除道成梁。王政也。含辉引以自为。其心岂有所哉。不过曰是慈航也。与众生共登宝筏耳。而若梁若廖若魏诸长者能为之。付诸善姓亦慨然捐资。古人有耻独为君子之言。于此乎益信。是桥始于丙申。落成于壬辰七年。而工竣盖寸铁粒粟积而之。故迟之又久也。含辉请予言贞诸石因记其秩。

南柴桥。县东。近馆前。邑人马文铨修。

童坊长桥。距县六十里。道通连城。又名龙山河。宋时邑人童五峰建。历有修葺。皆五峰裔。

永丰桥。县东八十七里。近丰和庵。明邑人胡采建。

○清乾隆由申圯於水。众资建复屋桥。道光元年。募造石墩三。

从而新之。复毁于火。己丑年募建露桥。

清光桥。青岩里。胡岭胡汝澍合姓建。

引龙桥。县东八十三里。明正德十六

年。邑人胡采建。

永安桥。县东八十五里。明正德间。邑人胡采募建。兵部侍郎陈琳记。

合水桥。青岩里。胡采建。

云龙桥。青岩里。乡人罗姓众建。侧有岩。开小径如梯。攀缘而上。洞穴深邃。光透玲珑。

大同桥。四保上堡。

龙足桥。四保上堡。龙头桥。四堡里。龙潭上。历圯历建。去桥数武。有石门。石笋。曰八仙岩。景色清幽。亦胜境也。

○清康熙丙戌。桥圯於水。里人马茂芳移建龙潭下。又圯。丙申马玉富玉春复建。

常丰桥。朱紫坊。状元王一夔题匾。明知府唐淳建。后圯。郡守邵有道修。南拔桥。县西开外。官堤上。

七里神石桥。城西。明成化间。知府戴禧。通判李祺倡建。后圯於水。嘉靖初。知府邵有道重建。复圯。○邵有道诗。雨霁郊行

山更青。白云堆里不胜情。纷纷只羡陶元亮。未必今人负此名。○清康熙戊戌。邑令张文伟改建石桥。行旅便之。邑人胡履端。捐白蠟三

百。勒成其事。牛岭桥。城西十里。明嘉靖初。知府邵有道建。清康熙间。王济能构复小桥。

花桥。县西九里岭下。嘉靖初。知府邵有道修。老河桥。古费里。嘉靖二年。知府邵有道修。

万安桥。古费里。古城寨。旧名镇安。嘉靖六年。知府邵有道创。未成迁去。知府查仲道继之。垒石为墩。以屋覆之。万历四十年

圯于水。崇祯元年。知府唐世涵倡建。岭北道。林一柱记其略曰。汀古城寨。为江闽粤区。戎伏于莽。久称险道。崇陵遼谷。溪涧奔咆。旧

有镇安桥。横亘溪口。如锁钥焉。溯源自牛岭。分注至寨始大。春涨则津洞无涯。桥自万历壬子年圯。厥后兵戎烦兴。饥饉荐告。民之不

安。谁复及此。乡民为旦夕计。架木以通。往来行者病之。崇祯间。邵侯唐公元谷。以谒度经此。目声倾秃。殷然以救安为念。随檄巡司集里

老而告之。捐俸五十金为倡。印簿给里士罗尚锦等。勤义募金勸事。兴工于丙子。落成于明年春。里人谋祠于桥之阳。即桥两楹店十六间。

且遣田十亩。岁取其租。以寿公云。○道光已酉间。里人×××等倡修。邑进士胡岩记其略曰。木梁曰桥。石杠谓之跨。独木之桥。曰樅曰

杓。水潦阻道。深必方舟。浅必游泳。故通都大邑。荒裔僻壤。桥梁之设。皆所不可已者也。汀郡水之较大者。东西二溪。合流于丁位。而

入潮海。其他细流杂派附以南流者不一。在有桥。载名于志者。以数十计。然而汀水不止此。桥亦不止此也。郡之西。溜峰鸡笼峰。皆有

溪源。二源合流而西。曰万安溪。又西稍南。经古城司。则有虹腰雁翅跨其上曰万安桥。为江闽往来要道。此水又受南来逆流之水。入江西

瑞金县界。则郡水之西流者也。乃南流之水为汀水。其名众著。而西流者水与名志俱不载。泛觉水道山川考。明史地理志。方兴胜览。及纪

要诸书。皆言汀州新乐山贡水出焉。西流入瑞金界。今汀志无新乐山及贡水之名。然水之西流入江西者。实惟溜峰。鸡笼二溪。又据水道提

纲。谓长汀西北之水至瑞金县南。又一水自黄竹山。合数溪西南流来注之。水努始盛。曰贡江。下至赣州合章水名赣水。再下流汇鄱阳。千

余诸郡邑水至彭蠡入大江。然则由彭泽溯之赣。溯之瑞金。更溯之汀州鸡笼。溜峰。殆即所谓新乐山。其溪流非即贡赣之最上源欤。流长千数

百里。而万安一桥。固斯水之第一津也。桥之创始未有所考。志称旧名镇安。崇祯时。郡守唐世涵重修。改今名。其事阙则建自康熙年间。盖迄今二百余岁矣。中间虽经胡祖庵补葺。亦已多历年所。其荒败倾圯也固宜。道光已酉分司程来历斯土。慨然倡首。俾协力修

复。绅耆士商莫不踊跃从事。庀材鸠工。易其腐朽。补其缺陷。倾者正。毁者完。桥梁亭阁。无不整饰。往过来续。无蹇步之虞。游目骋怀。有登眺之适。甚盛举也。夫万安名桥莫著于泉州之俗呼洛阳桥者。其创之难且奇。规制之巨。丽工费之浩繁。乃蔡端明所创始而为之记。